

馬石田文集卷第十三

碑誌

濟南安氏先塋碑

濟南安氏有諱圭字伯玉者明法律起家始試補行省
刑部令史尋廷安樂監司判官濟南府經歷官未幾又
補行尚書省令史權刑省刑部員外郎仍正授員外郎
進至濟南行省左司郎中是時君年甫踰六十矣即謝
職家居不起以至元甲子五月初七日終於正寢享年
七十有一其子某以是月十三日葬君於某鄉某原先
塋之東夫人成氏附焉君先娶成氏再娶張氏成氏宣

武將軍章丘薄昌之女先於君二十年卒有子四人長曰伸次曰僖曰倪曰侃女一人適濟南張鐸伸為登寧長監司管勾配成氏有子五人長曰惟湛次曰惟潛曰惟澄曰惟溥曰惟泌僖監泰安州酒醋稅配段氏有子二人長曰惟洪中議大夫江西湖東道廩訪副使次曰惟洋倪為濟南府孔目官早卒無子侃朝列大夫知安州配李氏有子三人長曰惟演從任郎冠州判官次曰惟淑監濟州稅曰惟漢早卒曾孫一十二人長曰景范惟湛子也承務郎彰德廣平臨水等處錢治副提舉曰景元惟演子也進義副尉監抗州富陽稅曰景時早

卒曰景良曰景嘉惟溥子也後衛與吏曰景益惟洋子也曰景璘惟洪子也曰景廟景周景魯景開景略皆有學未官按安氏上世家棟郡改遷濟水南郡中君獨能以吏文崛起致身高顯而其子孫迪臨世美或仕或農悉有名稱原一作原非郎中君生平有淑德懿行奮用世資不補，發於其躬而弥致其來者踵，也是宜植石鏡辭以昭示無極銘曰惟為鐘以受也惟穀帛以售也德克肖之永有紹也

朝請大夫大明路治中致仕馮君允壘碑銘君名仲德趙州柏鄉人系出漢馮君之裔高祖諱鬱

祖諱郁祖諱忠皆隱高祖妣李氏曾祖妣王氏祖妣鐵氏考諱安少有勇力能馳射不肯服籍事會國朝定中原兵南下遂起家為材士隸萬戶史侯威下從戰兩河間屢有功時史侯節制諸鎮以便軍辟君為合扎其提控官階至宣武將軍幸外我師濟大河進萬戶府行軍鎮撫都彈壓官凱還主臨城縣簿尋遷高邑縣丞丁酉加栢鄉縣尹凡為栢鄉縣尹者二十有九年而卒于官妣路氏迨中統四年君始襲父職栢鄉縣尹至元二年改涉縣尹六年真受勅黃進敦武校尉并陞縣尹九年依前官真定縣尹十七年廷忠顯校尉同知晉州二十

一年改信都縣尹兼管諸軍與魯勸農事二十八年進忠武校尉池州路判官大德元年改安慶路判官八年進階奉訓大夫知益都路膠州事凡自栢鄉縣尹八遷而至知膠州自敦武校尉四轉而至奉訓大夫至大四年始以朝請大夫大明路治中致仕于朝夫人江氏再娶夫人蘇氏又再娶夫人田氏子五人杞桂檜楷梓杞江氏出餘皆蘇氏出也杞承門廕將仕佐郎主臨城縣簿桂監安慶府河泊魚課檜監池州稅楷監太湖縣稅梓湖廣行省宣使棧子三人正栢鄉縣與魯次某官進武德將軍管軍千戶楷屯田百戶再棧子一人良弼佩

白金符衛卒府百戶嗚呼夫朝請君以門地少小即有
官長益力有為豈不賢於人哉方之以進取為賢而不
知用之極而將自蹶者遠矣今觀君之歷官歲月又且
循序守道理不躁是解蕃衍碩大終致貴顯而無微咎
也其於政績從可知也已其世德又從可知也已用宜
銘諸樂石以勸銘曰 振々馮氏唐顯漢世厥後或疑
不載傳記有燁胄出皇元朝請章甫以居責其閑井亦
有秀才宋文蟬聯金節象笏式華以宣爰考德徵允迪
之承疇之酌々禾之共々維天顯仁陰隲我人原念美
實降相善純栢鄉之原豐碑植馬刻此銘詩尚茲鑒旃

朝請大夫禮部郎中王君神道碑

朝請大夫禮部王君以太定元年七月十有八日卒於
北都留守之官舍有司給輦護柩扶還南都朝之卿士
咸嘆惋曰善人亡矣其吊賻之者異常禮焉君諱祖興
字景先南衛州胙城人高祖諱魏金真祐間及進士第
官至寶豐令曾大父諱克温金從仕郎輝州佐以節死
大父諱文昱以父死國難誓不仕父諱樹後以君貴贈
朝列大夫騎都尉追封太原郡伯母張氏追封太原郡
君君甫官以文称起家為汝寧府學正官諸生翕悅率
教因新孔子廟而使之知所尊敬焉入補兵曹吏從實

尚書往賑湖廣之饑實尚書用法湏報下然後發廩君
曉之曰人三日不食即死也柰何欲傳吏牘以殺人乎
獨不見汲長孺耶實尚書是之乃大發廩料口給食全
活甚衆再以吏廷樞密院及丞相府東曹掾故事兩府
掾屬得遇儲貳入府就中書令樞密使佐者加恩起壹
資君嘗持文書侍仁宗皇帝入西樞一署字考誠誠一作試
特授奉訓大夫中書侍郎兼吏部奉訓官第五品制應封
一代君請于朝與相相及父母祖母丁夫人補紉紡織
保哺煦育使興祖負笈就師而令粗有樹立者皆祖母
之慈焉蓋母孫相依為命者也願以妻封讓封祖母丁夫人

于時丁夫人壽考在養詔以為汲縣太君播紳榮之而
當代之有讓封實自君始迨祐七年始奉議大夫宗正
府員外郎准勅宗正府主北方刑獄凡罪無讞專論決
之君言宗正司天子屬籍議獄非職也不听會中書省
檄命騎至湖廣江西兩省講畫歲賦便宜經總之者不
使人煩此有日此下至治元年拜監察御史上疏請開經
筵選胄子教荒節用等事出按諸道至河南省劾行省
叅知政事宜匝陌丁黨惡賊善毒流吏民臺臣以聞褫
其官仍遠繫責對內外快之以中書吏部員外郎召還
二年復以朝列大夫僉燕南河北道肅政廉訪司事論

列十事卒以敷本事化隆儒術為務且纂萃漢唐諫臣
偉績名曰憲覽數百條並上之錄大名廣平囚禁民有
榜笞成盜者凡五人獄詞具矣州吏抱爰書引囚伏庭
下請曰某囚有罪律當某刑君徐曰囚實非盜使因果
盜則口語與吏牘無異茲視吏牘皆牽合文深之辭囚
何知此即脫囚械而出之決日它州牒得真盜立致長
吏于理滿二歲召為中書禮部郎中以職分曹從扈北
上國制乘輿歲巡都其陪還侍儀衛文物聲名國容愈
盛宗室諸貴必加宴豆鬼神祭祀必加數等故禮部分
曹而北者尤叢沓難治君優游不急區別月解名譽藉

甚詔賜白金伍拾兩以褒賞之未幾卒于位得年五
十有二夫人呼延氏子一人遊園子典籍始君出曲周
輝州府君官衛地因出為胙城人旁古河渠水去故道
及淤成沙日漫漫人廬舍塚墓其嗣子毅承治命改卜
新阡於衛之西南三十里小店之原君自仕多歷顯要
視聲利為障蔽聰明之物中弗好之也然每悼士逐世
化而亡其所學奮然欲有以激勵之不果也可謂有志
者矣方子對策南宮時君再省曾手闡著令以試法已
期其為令器而厚與游從同官京師交道益篤而比君
死五日子以祀事出使悔不得執紼塋道而其孤歎泣

涕襄京作襄京一拜而起曰先子之卒太常博士柳貫已誌其墳矣惟是墓道之碑願有以揭之遂為銘曰維景先甫早用儒頭績學之勤乃應時選克惠和祿于裳冕羈孤養親行以不忝端矢射戾飲讓而升實羨大剗陳諸廟庭才以備官政服孔宜問俗在途召節屢馳訔詔不亟不遲議禮考功有秩有儀從扈陪都卒為鬼徒反藝術墟里人緋昇有膺者原沙泉在北刻諸樂石終古不泐

征行百戶劉君墓碣銘

趙郡蘇天爵述其外大父劉君行實乞銘於馬祖常曰

先妣武功郡君昔安樂時念其父不忘懼其善不傳而名遂泯也嘗以語天爵追先妣棄世外大父終不得銘天爵蒙慈母之教誨粗有樹立於時圖所以繼親之志者天爵其可不勉祖常曰孰無親乎孝於親之身者而矣矧又能思廣其親之志乎乃為之序而銘之序曰先妣諱成字立甫貌魁岸奇偉讀書涉大義不事章句存至子口家初藉民也田襄鄆間君與其兄俱在行中取於行中每代兄作勞田官稱之久之從伐襄陽先登行夫長常率數十騎略武當宋邏兵四合屢突圍出百不勝或欲降君殺馬為食居數日不降宋人疑其有

謗各引去舉服其勇丞相伯顏將大軍都鄂州江命別
將阿里海涯率萬戶張興祖軍分循湖廣地君復與其
兄從破羅飛文才喻周隆黃必達張虎諸軍薄靜江兄
中瘴毒死君扶其柩而北葬既裏事輒屏跡田野課種
種樹畜牧耕桑衣食以自給於湖南遇兵俘一儒生黎
姓用金購之曰此儒生不善力役歸我我將俾為弟子
師果同歸教諸子於鄉餘所全活者衆此儒生其一也
享年八十有四以延祐三年正月十有二日卒葬真定
縣平樂原先考萬戶府君之兆考諱議起行伍元帥史
天倪辟署權黑君萬戶會賊將武仙殺元帥叛即從元

帥弟丞相天澤繫走仙轉戰兩河平金有功妣夫人孟氏

夫人董氏前君二十六年卒子二人曰寓曰海孫二人

曰允中曰弘中女一人故中憲大夫領北行中書省左右

司郎中蘇志道之夫人追封武功郡君今圭圭一章閣

授經郎天爵之母也女孫四人一適奉訓大夫萬盈倉

使李恕一適張林一適侯閻其一幼也世本歷城人金

李山東河朔兵賊雜道醢其民獨真定城完君之考

同古藉為而今為真定人者自其考始郎中蘇志道年

少日君識其為令器以女歸之後其生天爵又以文學

進其官于朝孝而能成母之志俾其外氏之官閥世次

刻於金石者竟賴其力焉銘也無媿銘曰 振、劉姓
考室真定挺身兜鍪而官弗崇雖則弗崇勇也匪躬斬
馬啖卒出金購士其謀則懿其惠則侈其迪其啓以多
孫子女室命婦副笄封君出錫維彥日肆於文克表外
氏績茲勞功刻詩墓門維以亢宗

監黃池稅務王君墓碣銘

王君元父既沒之十一年其子國史院編脩官沂茹哀
請於馬祖常曰子與予同登進士第又同官于朝先人
生世以迄于卒其行誼與媿亦終齟齬以不合於時
者子能知之其宜揭以傳後者子宜為文沂之述諸狀

者子宜加詳焉按王氏出姬姓周畢公高齊孫萬事晉
更十世得列為諸侯滅於秦子孫徙雲南今之弘州
六世祖遠戶部侍郎山南始著於家課子三人曰元郎
魯州觀察判官生誦金左司員外郎以文學稱蓋世關
遠笑曾祖諱銳金尚書戶部員外郎祖諱國綱金監察
御史使河中總帥完顏仲德戰敗死節考諱振艱閩轉
後占籍真定力學底行起家亞江南浙西道提刑按察
司經歷配某氏有子三人長諱宗禮季諱宗議皆早世
仲即君諱某幼自知問學侍經歷君居浚都為士子經
師尤長於詩詞賦浚都文學掾辟江東道宣慰司令史

會使專恣他吏恐故弗敢仰視君每以義言之歲潦
飢群無賴起績溪盜欲相蔓民不輯寧宣慰司遣君覆
視還請蠲徭後發廩以贖毗鄰盜遂息進將仕郎宣城
縣簿縣比歲供玉面狸四十畢果不獲則轉購他邑廩
賞毒民君至請悉罷貢蒸民有詭飛田賦者歲取償里
胥吏循格不究君一正其籍乃建孔子廟築壇崇社春
秋飭其牲器以與邑人行事川有梁田有溝道有寓館
吏徒有畏而弗肆民知有政而趨功監司郡守爭為鼓
譽江淞行省屬錄寧國太平二郡囚又屬覈考江陰錢
懋他州縣訟累歲不決者多以屬君所至悉以以一作能

聲江陰盜有枉為脅誅者吏黨按之既誣服已君反覆
得其情為具獄白行省事上中書移刑部刑部允君議
遭脅誅者得免死南陵縣僧以賞雄持縣短長堰溪水
溉私田霖潦水溢則漂沒崩蕩邑人訴於縣吏惧莫能
施行君詣視毀之老幼至撫手慰且曰君出一鄉免於
魚鱉矣未幾擢拜江淞行中書省掾曹無留事適淞西
廉問官與君素同里少持氣不相下頗嫉君君又不自
詘以希合乃風旨豪梗羅織君以是坐誣免不辨起除
瑞州平準庫使不就改仁和監場司丞又不就家居數
歲又改平江行用庫使州縣趣曰君所與游盡一時知

名大夫士咸燭君寃而君終不自訟就使終不赴孰與
君直乎忍是一往而母變君素守以流於物將推磨君
之迹當不誣矣寧無為君採於有司也君不獲已就官
久之自免歸階前資廷承事郎監黃池務稅以至治三
年五月十三日終于家享年六十有七以其年月日葬
于某州某里之原娶把氏隸州判官時之女男三人澄
沂洙女一人適淞東廉訪使侍其同朝之子通孫男二
廷善崇善孫女二人皆幼君甫冠即自立勤苦為文章
履其身以莊儉亦未嘗過為顏機其官業行已之略一
皆自信不妄計進取少顧時人之所為而人亦以此稱

之然亦以此嫉之至大間嘗為書言任人別邪正養民
重守令法不可輕出期少施於朝廷而書不果上執政
間君名秘使人致款欲官之錢監若知不足以共事卒
謝去後果敗而君益富其學以老不克用鉅公間人累
薦君才宜理劇文學宜館職皆不報屏居錢唐詩書專
俎詠詩息偃油然亡豪髮世俗慮撫育諸孤子姪誠愛
天至而急人之窮獎人之善汲人馬猶負宿諾而抱隱
痛皆他人所難為而君為之不知為有德尤人之所難
也其所著有政要書十二篇陶詩註三卷詩一卷嗚呼
天與之變齒上死裂焚則剪籍不百年而金之名家善

士之子孫遺子不數戶矣初御史君以直節死人情其
未能大用於時夫固知經歷君之起王氏也經歷君位
不配其德以歿於今凡幾年而承事君又斥不用君子
悼曰不幸然孰知後世之將昌且久與今所以進士入官
有古學方嚮于用而克濟其美於未艾豈其碩大光顯
又將在茲歟是宜為銘所以勸後世之為善者不怠
也銘曰 冕弗媒也玉有缺也一擯不用有子替也彪
炳而文立其嶮也載善於銘行安轍也

故禮部尚書馬公神道碑銘

公諱曰忽乃世本屬雍古部族居靜州之大山天山下

居延海也曾祖諱怙穆爾越哥祖諱把造馬野禮屬
以財雄邁父諱錫禮古思當金廷浚都尚書省辟為譯
字掾曾試開封判官改鳳翔兵馬判官死節贈鎮國上
將軍桓州刺史官名有馬因以立氏父死節時公年甫
十七杜其父之忠義奮而投冠于地誓曰吾父死於國
難吾紆家難可也遂侍太夫人王氏艱闕鋒鏑跋涉星
夜出汴絕河而北見憲宗皇帝於和寧年少辭容端敬
憲宗嘉賞之命贊卜只兒斷事官事國朝天造之始總
裁庶政悉由斷事官燕故城為斷事官治所中原久剝
兵燹民謫吟思見太平之日公力籌畫規度政脩事舉

士悅民附胥為太和世祖皇帝以親王南伐公從行曾
汴魏饋六師悉發輶音人賦一石取濟南鹽自堰頭舟
行陸輓穀百万斤散布軍所過州郡汴蔡河南之地農
在野而商在途不恐不驚而軍政備焉世祖皇帝即位
降詔褒獎其詞有曰有此勤瘁深可尚嘉云者阿蓋答
兒拋魚兒泊叛倉卒之際公罄家貲市馬五百匹進世
祖皇帝嘗給券賜其家曰後當償汝也版戶遂試學子
通一經即不同編民今令甲儒允丁者公始之也中統
建元既肇建諸部明年拜禮部尚書佩金虎符四年八
月二十一日薨于上都之邸第訃聞内外文武之屬縉

紳之士咸嗟悼盡傷形諸文字之間迄今傳而不泯也
嗚呼公之薨年甫四十有八即以某年某月日葬于大
都宛平縣清水河之陰之原太夫人王氏墓後梁郡夫
人白氏祔後六十四年為至順元年曾孫祖常辱官禮
部尚書請于朝追號推忠宣力翊運功臣勲事輕車都
尉階正議大夫爵梁郡侯官僉樞密院事謚忠懿子十
有一人長諱世忠常平倉都轉運使次諱世昌行尚書
省左右司郎中孫祖常官忝第二品推恩二代贈嘉議
大夫吏部尚書上輕車都尉梁郡侯次諱世顯知通州事
次世榮早卒無子次世靖不仕次世祿中山府織染提舉

次世吉承公廕絳州判官次審溫嘉議大夫歷台州淮
安瑞州路總管餘三人早卒不仕女四人三蚤卒一嫁
廣東道副都元帥闕里吉思孫二十人長諱潤朝列大
夫同知漳州路以子祖常備侍御史贈中奉大夫河南
江北等處行中書省叅知政事護軍梁郡公次節入王
屋山為道士次禮下沙益司承次淵不仕次開監在京
倉次遺道皆蚤卒次遵通迪次保六賜提舉都成所次
未名卒次岳難武備將軍蘭溪州達魯花赤次雅古處
士以孝聞次必吉男奉訓大夫同知興國路事次祝銑
監富池茶場餘四人未仕曾孫三十一人長祖常由進

士轉官侍御史次祖義郊祀法物庫使次祖烈汴梁等
路管民總管府紫曠官次天合監杭州鹽倉次祖孝管
勾河埽鹽場次易朔南察院書吏次祖謙昭功萬戶都
總使府知事次祖元信州路教授次鹵合知行唐縣仕
者九人餘者學而未官也玄孫若干人長武子中書省
掾次文子國子生次猷子惠子並國子生餘皆幼諸女
孫以多載於家傳茲不重出嗚呼我曾祖尚書德足以
刻人而位不稱德才足以經邦而壽不享年世非出於
中國而學問文獻過於鄒魯之士時方遇於草昧而替
襄制度則幾於承平俾其子孫百年之間革其舊俗而

衣冠之傳實肇於我曾祖也嗚呼祖常生三十三歲父
潤南官漳州教祖常曰吾祖有德未盡發吾官州郡不
得施今汝顯樹主其大將在汝也後祖常佩父訓不亡
忝官翰林直學士太子右贊善大夫禮部尚書叅議中
書省事入臺進侍御史叨冒寵榮夙夜憂懼惟恐違父
之教而墜我曾祖之業最不孝之罪死不瞑目於地下
葬儀不具塋域不廣欲改而卜之宗盟曰封樹八十
年矣神殆安茲未易改也嗚呼祖常既撫我曾祖行實
萬一而略論次之矣忍不泣而終銘之銘曰 有岷而
起之孰趨而倚之將濟世羨必承而履之懿矣我祖百

年于茲衣冠之傳實維啓之世多王公亦多華靡惟不
華俗而忽其地繩々孫子思馬有氏咸宜習禮以續廟
祀

勅賜御史中丞趙公先德碑銘

皇帝御史作史章問詔大學士臣阿榮若曰御史中丞
臣世安事朕日又克庸祇畏相彼世傳諒有啓迪之者
其令臣祖常為文以刻於碑臣祖常北面受詔迺屬辭
為碑之文以應詔曰皇帝將勸忠於天下俾人臣知善
後之道茲千萬世慮匪繼於臣世安也謹按中丞臣世
安姓趙氏始居奉聖州之磐山四世祖柔當金季朔南

淪胥為丘墟矣柔圍結義民柵險以阨其兵衝使不得
犯為便道以給薪水如平時鄉之人賴以全活者億萬
計會天兵下紫荊口柔率義民歸行省八扎且以軍騎入
各堡砦諭逆順各堡砦豪長皆持兵來歸我行省行省
以潤制授龍虎衛上將軍真定涿易等路兵馬都元帥
佩金虎符兼總管銀冶再進總管諸處打捕鷹坊加金
紫光祿大夫有子六人長守贊佩金符僉山北遼東道
提刑按察司事仍總管大都保定打捕鷹坊次守忠信
翊校尉廣宗縣尹人戴之如父母焉次守仁早卒不仕
次守純官百夫長次守政權打捕鷹坊次治一學老子

法有道提點汴之朝元宮以方外故不仕守贊二子長
謙襲總管管打捕鷹坊次晟善治民作縣安喜鋤其武
斷鄉曲者縣在畿甸上下稱之選為行監察御史再遷
監察御史山東道廉訪副使燕南道廉訪使次年改翰
林直學士遇公鄉輒指言時事利病不休也守信二子
長貫早卒次簡今沼水縣尹貫子世安迺今中丞君守
純三子長還闕官百夫長次廷閭提領打捕鷹坊次山
而早卒守政二子長允昭信校尉保定路總管府判官
次密總管大都等處打捕鷹坊維趙氏以國姓世系綿
遠譜牒無考北士尚質復不肯以姓之顯者為所出故

奉聖趙氏自元帥以下迄卜珠顯山之陽已而又宅於
尤安今遂為易州涑水人涑水趙氏雖四世為郎官大
夫然自中丞起家給事禁闈侍武宗皇帝晷服即蹈規
矩言行有常事今上皇帝於潛邸勤勞夙夜夷險一心
天曆之元皇帝入正大位徵拜叅議中書省事旋入中
書叅知政事上讓位居東宮改詹事丞領典用監卿復
入中書叅知政事領經筵事陞拜中書左丞入臺為御
史中丞官資德大夫立待正府以中丞兼待正光顯榮
遇在廷鮮倫而其折節下士蓋有人所不能及者令
典官第二品得封二代異恩特封三代為曾祖柔追封

天水郡公謚莊靖曾祖妣南氏追封天水郡夫人祖守
信贈資德大夫中書右丞上護軍追封天水郡君謚康
惠祖妣李氏追封天水郡夫人父貫贈榮祿大夫大司
徒柱國追封魏國公謚貞憲母劉氏追封魏國夫人臣
嘗讀古書歷徵紀載年表列傳臣之事君多矣其際會
者不一或以戰勲或以民庸或以文章或以勤勞或奮
於功名以垂於簡牘粵者謂國以身致亦無有不奕世
載德爵位不大以蘊蓄庇蔭於後昆者也古則遠矣臣
又幸得備後官聞世祖養德王藩時則有若妣樞趙璧
仁廟則有若李孟斯亦雲從龍而風從虎矣其濬源豈

無自哉要知必本於仁而其傳自遠矣傳曰活千人者
有後元帥生逢末世手搏閔諸盜以完黔首者衆矣奚
啻千人哉則其後碩大昌熾遭遇聖明以成其名以顯
其親者揆之于天道尙疑焉中丞今一子曰享提點大
府監內藏庫臣祖常辱列侍御史每從中丞在官日中
丞論議持平臧否於疾言遽色弗之有也詔既命臣為
文臣敢舞蹈百拜而獻銘曰 有趙之裔北廷于南溟
水永宗元帥多勇赫々元帥叱咤風庭柵木疊石保有
萬丁闔賊于原完我耄倪自頂及踵膚無一疵豈惟無
疵又無凍飢便其薪蒸食飲以時活人萬億歸我行省

天子曰噫于大肆嘗凡厥遺逃悉來其居申命元帥金
紫懸魚有善有慶其美于胤分憲尹民咸樹官政廣宗
之郊土瘠而硯膏以糞饒衆桑成苞民樂趨事戴以父
母迄今有歌興於田畝安喜繼武實為弟昆鑠其頑礦
使民不究司徒魏公隱德于躬鍾美集厚全天而終發
祥中丞事我皇帝兢々翼翼夷險不二皇帝曰咨々爾
臣同我薦爾先維以勸忠移孝于忠培植基本爾臣銘
之告于公衮

勅賜大司蘇國忠簡公神道碑

公世出朔北屬衛兀部小字忙兀的斤初公父朵羅木

徙高昌國王內附當我定宗憲宗之時以未用中夏之
字朶羅朮始用其國記畫言語為札書習諸部人世皇
在潛邸亦頗講於其學朶羅朮既卒廷勅使者召公朔
北公至上手公入便殿謂昭慶順聖皇后曰是兒幼歎
偉絕肖其父宜出入屬侍間朕不忘朶羅朮也父之以
能世父業命以其書職教內諸御出宮人忽都花妻之
至元十年特命公提點資成庫階奉訓大夫主尚方幄
殿伏宿屋令十五年詔改資成庫為尚用監拜公太監
階中順大夫十九年遷太府太監二十五年又改尚用
曰中尚仍拜公太監進大中大夫未幾遷中尚卿階

議大夫尋命兼知太府監事階通議大夫成宗在位思
顧舊臣以公久勤事特授正奉大夫進秩二品時上省
方陪都嘗清暑西華門見公第庫隘屏飾不稱遣近侍
諭公曰朕固知爾能守貧然家苟不給當朕言毋諱公
謝曰臣材亡可歸者被先朝恩肩有俸稍廩既以給衣
食乘堅策肥若疇人子姪非不有所欲願以無能不致
浮竊厚貲尔上聞益賢之武宗至大元年詔陞中尚監
為中尚院就拜公中尚院使三月拜大司徒進階榮祿
大夫從一品秩公以位大固辭不許仁宗奉昭憲元聖
太后入平難召公計宜隆福宮公從容傳曰傳壽對多

援祖宗訓實及制事統御之變其語罕泄不傳皇慶元
年仁宗即位復拜公中尚卿每給事直宮對上必懇陳
治要與國政在顯位無益於民者指切言之上亦以公
宿貴有德者多味公言勅中書賜以楮幣萬緡公又謝
曰臣自以為置肝腦不足酌上德日兢不敢有墜言
汙履以孤累聖之眷故常有狗馬之心今病力不能任
服事寧幸財於無功耶上固勉之終不受其年十一月
二十六日一疾薨於昭回坊之賜第壽七十有六初葬
順州第四鄉發信村之原元統元年四月公第五子監
察御史塔納始買地於大興縣燕臺鄉艾村原作為墓

垣樹列翁仲石儀舉公及夫人之柩葬焉於是臺臣以
間有詔贈公銀青榮祿大夫太保上柱國追封薊國公
謚忠簡夫人忽都花贈薊國夫人仍命具公行壽傳治
善勞世族官治治一樹文於碑刻之神道以假寵公之
孫子塔納以監察御史某之狀以請臣論次其言曰我
國家肇奮朔土車輿塵帳冠帶喪喪一服以旦暮從事
於四方有攻伐之具有守禦之備輓牛輅馬必物其足
力龜革筋木束轡之器必權其功功一理理一櫛比協材
必皆良而後用故國初即設官以典典一蓋一代之制不
比於衛尉太僕乘黃守宮今供億於於一享會朝幸改而

已公以湖北間族受知世祖自少以至於老曰資成曰
尚用曰中尚未嘗一歲去他官而充悉力以勤其事不
以久而不足徂也其知者此乎夫在位者數徙則不得
久其官官非久則無以習而知其事故下無所馴以安
其治其弊賢者不能以及於功不肖者罪不積於著而
天下之不底於理其不由是歟臣觀公之久於其任任
之之專而得世祖任官之意焉雖然在位者非其人而
恃久以為治亦小有能治者也又觀公之善於其職與
其廉取辭榮而得公之為人焉信公之言以質公之行
則其賢遠哉是不可使無銘也已公有子十人曰明理

忠翊校尉監重慶路瀘州曰八扎不花亞中大夫監安
豐路致仕曰禿忽赤奉議大夫監南陽府裕州曰德奴
武德將軍監汝寧府光州曰塔納奉直大夫監察御史
曰脫烈不花曰太平曰曲林不花未仕曰脫不花曰赤
迪不花曰七山皆夫女一人為監薊州名上都之妻孫
男十四人曰脫木中奉大夫湖南道宣慰使曰脫不忠
翊校尉同知宿州事曰忽脫曰忽都不花曰朶里不花
曰不兒罕忽里曰萬僧奴曰和尚曰給只哥曰燕帖木
兒曰德僧曰縛住馬曰伴不曰忙哥帖木兒俱未仕曾
孫七人班迪承事郎昭孝營繕司大使曰木上曰興哥

曰山僧曰海僧曰觀音奴曰福僧俱幼嗚呼公既顯榮
壽考以終其身距今甫二十四年而後嗣之蕃衍盛昌
若此塔納又能脩敏質勤以名其官方嚮用未極非其
力勞而報約之微耶古所謂淑人君子者公於是可以
當之矣臣攝官御史中丞塔納在察院故於其請奉詔
不敢辭迺再拜稽首為系之銘曰 位難而勤世不必
久也公不以久而績益懋也寵馳而豐人寡斯受也公
不以寡而廉自厚也夫惟其賢宜有壽也既碩既延公
多後也燕臺比鄉墓馬公藏奚改于卜龜食惟祥曰貴
與財孰顧靡懷貴驕財悖式貽身哀維公則否維志之

求敢告胤續提公之休

霸州長忽速刺沙遺愛碑

霸州達魯花赤于闐忽速刺沙去官之明年州人列其
事狀將勒諸石太史氏按事狀而為論次之曰始州有
愚子房黑厮籍屬縣益津諸田五百頃上於會福院者
會福以禱祠為官不急民事即遣屬人按圖制民田前
官悉不敢何問而君迺告於太府請于禮部竟歸其田
於民十七戶武漸里開冒占征戍軍士名籍不應役前
有司莫之省也君訶得之咸各俯首不出一語以服事
編伍州在甸服百里藁秸之入官歲以嵯償之比官嵯

至集民於州而口給之君均以法人皆便之州雜五方
之俗庠序之教不興君帥子弟以學而民知愧恥而遠
罪凡若此者不一至於稅作稅稍廩而食餼者禦田獵
以勸耕者梁津表道封植遂宜合社祀神雨暘時若是
以知古之循吏之跡傳於載記者尤盡可信也夫古之
循吏視今為無難者蓋嘗指以語諸人矣國家官制率
以國人居班簿首州縣則又仍國初官各置建達魯花
赤員並守令丞佐連位坐署閑然言語氣俗不相通大
或恣睢壓僚吏小或嚙齧作齧單弱使者劾治則稱謂
氏族貴重人人皆假貸不繩細微廉慎之節彼亦往々

甘心焉而欲效古之循吏能專志於治者寡矣君能不
牽於時俗而且有所振起可謂賢也矣如此則國之職
纂錄者可不為之書以訓於當世焉

故顯妣梁郡夫人楊氏墓誌銘

故曾祖皇贈推忠宣力翊運功臣禮部尚書諱月合乃
以忠統四年薨之日有子十一人自第五子以上皆
冠而婚餘六子幼稚曾祖妣梁郡夫人白氏又先卒諸
子以家素貴長者履跡未嘗一至田野幼者弱而母庶
不能悉產業財畜之數豪奴婢因舞弄欺詐百物一空
里第為奸臣阿合馬橫奪家逸凌替祖皇贈吏部尚書

諱世昌寔禮部府君第二子生子三人長諱澗皇贈中
奉大夫行中書省叅知政事甫十歲遭家難寄食東西
少長自知學問試吏大都路喜得廩稍逮養不取也特
吏部府君屬寢疾祖妣梁郡張夫人曰脫不諱則家無
冢婦孰與治賓祭廼以禮迎夫人歸我先公叅政府君
為夫人既歸吏部府君疾日益愈先公且置補荆湖宣
慰司令史佐畫夔府之師名聲騰揚轉吉州路經歷滿
歲丁吏部憂先公發廬陵遵陸北上夫人携其嬰孩舟
行至廣陵僦居以俟先公之後命先公留京師葬吏部
而侍太夫人親黨就食廣陵者衆祖常兄弟方求哺未

知事夫人始則賣粧具簪環衣袂不繼則晝夜紡績刺
綉給養不匱服除先公調兩淮轉運鹽使司經歷再調
監太平州當塗縣而夫人以至元二十四年六月三十
日卒享年三十二故中書后司郎中楊瑛之女瑛母馬
氏與我曾祖尚書為女兄世實姻家有子三人長未名
卒次祖常始九歲次祖義四歲一女五歲先公官未受
代葬寔於當塗之文昌宮東南六十步後四十七年為
至順四年子祖常始克遷柩於光州平原鄉先公桐鄉
阡之兆嗚呼祖常不孝罪戾無贖天降鞠凶風集于身
致吾慈母年不登壽而罹罪不泚祖常方在韶亂哭又

不能盡哀迄今言之最利刃之刺心也追痛罔極殛身
而後已雖身歿而又何及耶祖常延祐泰定至順三請
于朝初封開封郡君進封開封郡夫人再進封梁郡夫
人孫十人長武子中書省掾次文子獻子並國子生餘
未名曾孫男一人狗狗曾孫女四人維頭■妣夫人德
配先考孝事舅姑睦親姐而撫庶孽慈仁貞懿婦道純
全使世有職彤管脩女史者吾頭妣當昭章居篇首焉
憶夫人病將棘時祖常孑然立床第前忽咏唾夫人已
不能言願指祖常唾迹泣下而逝嗚呼祖常尚忍書之
耶尚忍而不書耶忍而書其又能文耶迺泣血為銘

曰 璧有時而燬土有時而為坎為壙嗚呼我妣天德
純美宜受多祕而不期順便我孤子祿弗逮養哀於身
歿而後已耶孤哀子資善大夫江南諸道行御史臺御
史中丞馬祖常述